

戎政典第二百七十六卷

射部彙考二

儀禮一 鄉射禮

鄭目錄云州長春秋以禮會民而射於州序之禮謂之鄉者州鄉之屬鄉大夫或在焉不改其禮射禮於五禮屬嘉禮

鄉射之禮

主人戒賓賓出迎再拜主人答再拜乃請

注

主人州長也鄉大夫若在焉則稱鄉大

夫戒猶警也語也出迎出門也請告也告賓以射事不言拜辱此爲習民以禮樂不主爲賓已也不謀賓者時不獻賢能事輕也今郡國行此禮以季春周禮鄉老及鄉大夫三年正月獻賢能之書於王退而以鄉射之禮五物詢衆庶諸侯之鄉大夫既貢士於其君亦用此禮射而詢衆庶乎賓禮辭許主人再拜賓答再拜主人退賓送再拜

注

退還射宮省錄射事

疏

釋曰射宮者鄉庠州

序是也知省錄射事者卽下文云乃張侯之等事也下言飲酒之事知不爲飲酒事者以飲酒者止爲射事故以射爲主也

無介

注雖先飲酒主於射也其序賓之禮略

乃席賓南面東上

注

不言於戶牖之間者此射於序

疏

釋曰自此以下至羹定論將射預前設席

位尊鬱樂縣及張侯之事也

衆賓之席繼而西

注

言繼者甫欲習衆庶未有所殊別

席主人於阼階上西面

注

阼階東階

尊于賓席之東兩壺斯禁左元酒皆加勺篚在其南東肆

注

斯禁禁切地無足者也設尊者北面

西曰左尚之也肆陳也

設洗于阼階東南南北以堂深東西當東榮水在洗東篚在洗西南肆

注

榮屋翼也

縣于洗東北西面

注

此縣謂磬也縣于東方辟射位也但縣磬者半天子之士無鍾

乃張侯下綱不及地武

注

侯謂所射布也綱持舌繩也武迹也中人之迹尺二寸侯象人綱卽其

足也是以取數焉

疏

釋曰此以下論預張侯之事

不繫左下綱中掩束之

注

事未至也

乏參侯道居侯黨之一西五步

註

容謂之乏所以爲獲者御矢也侯道五十步此乏去侯北十丈

西三丈

羹定

註

肉謂之羹定猶熟也謂狗熟可食

主人朝服乃速賓賓朝服出迎再拜主人答再拜退賓送再拜

註

速召也射賓輕也戒時元端今

郡國行此鄉射禮皮弁服與禮爲異

疏

釋曰自此至當楣北面各再拜論主召賓從己之事

賓及衆賓遂從之

及門主人一相出迎于門外再拜賓答再拜

註

相主人家臣擯贊傳命者

揖衆賓

註

差卑禮宜異

主人以賓揖先入

註

以猶與也先入入門右西面

賓厭衆賓衆賓皆入門左東面北上賓少進

註

引手曰厭少進差在前也今文皆曰揖衆賓

主人以賓三揖皆行及階三讓主人升一等賓升

註

三讓而主人先升者是主人先讓于賓不俱

升者賓客之道進宜難也

主人阼階上當楣北面再拜賓西階上當楣北面答再拜

註

主人拜賓至此堂

主人坐取爵於上簠以降

註將獻賓也

疏

釋曰自此至主人阼階上答拜論主人獻賓之事

賓降

註

從主人也

主人阼階前西面坐奠爵興辭降

註

重以主人事煩賓也今文無阼階

賓對

註

對答

主人坐取爵興適洗南面坐奠爵于簠下盥洗

註

盥手又洗爵飲潔敬也古文盥皆作浣

賓進東北面辭洗

註

必進者方辭洗宜違位也言東北面則位南于洗矣

主人坐奠爵于簠興對賓反位

註

反從降之位也鄉飲酒曰當西序東西

主人卒洗壹揖壹讓以賓升賓西階上北面拜洗主人阼階上北面奠爵遂答拜乃降

註

乃降將

更盥也古文壹皆作一

賓降主人辭降賓對主人卒盥壹揖壹讓升賓升西階上疑立

註

疑止也有矜莊之色

主人坐取爵實之賓席之前西北面獻賓

註

進于賓也凡進物曰獻

賓西階上北面拜主人少退

註

少退謂少辟也

賓進受爵于席前復位

注復位西階上位

主人阼階上拜送爵賓少退薦脯醢

注薦進

賓升席自西方

注賓升降由下也

乃設折俎

注牲體枝解節折以實俎也

主人阼階東疑立賓坐左執爵右祭脯醢奠爵于薦西興取肺坐絕祭

注卻左手執本右手絕末

以祭也肺離上爲本下爲末

尙左手嚙之

注嚙嘗也右手在下絕以授口嘗之

興加于俎坐挽手執爵遂祭酒興席末坐啐酒

注挽拭也啐嘗也

降席坐奠爵拜告旨

注降席席西也旨美也

執爵興主人阼階上答拜賓西階上北面坐卒爵興坐奠爵遂拜執爵興

注卒盡

主人阼階上答拜賓以虛爵降

注將洗以酢主人

疏釋曰自此至賓西階上答拜論賓酢主人

之事

主人降

注從賓也降立阼階東面當東序

賓西階前東面坐奠爵興辭降主人對賓坐取爵適洗北面坐奠爵于簠下興盥洗

注賓北面盥

洗自外來

主人阼階之東南面辭洗賓坐奠爵于簠興對主人反位

注反位從降之位也主人辭洗進也

賓卒洗揖讓如初升

主人拜洗賓答拜興降盥如主人之禮賓升實爵主人之席前東南面酢主人

人

注酢報疏

釋曰言如初則亦一揖一讓也

主人阼階上拜賓少退主人進受爵復位賓西階上拜送爵薦脯醢主人升席自北方乃設折俎祭

如賓禮

注

祭薦俎及酒亦齊啐

不告旨

注

酒已物

自席前適阼階上北面坐卒爵興坐奠爵遂拜執爵興賓西階上北面答拜

注

自由也啐酒于席

末由前降便也

主人坐奠爵于序端阼階上再拜崇酒賓西階上答再拜

注

序端東序頭也崇充也謝酒惡相充

滿也

主人坐取觶子饒以降

注將酬賓疏

釋曰自此至當西序論酬賓之事

賓降主人奠觶辭降賓對東面立主人坐取觶洗賓不辭洗

注不辭洗以其將自飲

卒洗揖讓升賓西階上疑立主人實觶酬之阼階上北面坐奠觶遂拜執觶興

注酬勸酒

賓西階上北面答拜主人坐祭遂飲卒觶興坐奠觶遂拜執觶興賓西階上北面答拜主人降洗賓

降辭如獻禮

注以將酌已

升不拜洗

注酬禮殺也

賓西階上立主人實觶賓之席前北面

注酬賓

賓西階上拜主人坐奠觶于薦西賓辭坐取觶以興反位

注賓辭辭主人復親酌已

主人阼階上拜送賓北面坐奠觶于薦東反位

注酬酒不舉

主人揖降賓降東面立于西階西當西序

注主人將與衆賓爲禮賓謙不敢獨居堂

主人西南面三拜衆賓衆賓皆答一拜

注三拜示徧也壹拜不備禮也獻賓畢乃與衆賓拜敬不

能並

主人揖升坐取爵于序端降洗升賓爵西階上獻眾賓眾賓之長升拜受者三人

注長其老者言

三人則眾賓多矣國以多德行道藝爲榮何常數之有乎

主人拜送

注拜送爵于眾賓右

坐祭立飲不拜既爵授主人爵降復位

注既盡

疏釋曰此還上三人者降復賓南東面位

眾賓皆不拜受爵坐祭立飲

注自第四以下又不拜受爵禮彌略

每一人獻則薦諸其席

疏

釋曰此還據堂上三人有席者故云薦諸其席謂席前也

眾賓辯有脯醢

注

薦于其位

疏

釋曰還據堂下無席者故鄭云薦于其位不云席也

主人以虛爵奠于篚

注不復用

揖讓升賓厭眾賓升眾賓皆升就席

疏

釋曰自此以下至舉觶者降論旅酬之事

一人洗舉觶于賓

注一人主人之吏

升賓觶西階上坐奠觶拜執觶興賓席未答拜舉觶者坐祭遂飲卒觶興坐奠觶拜執觶興賓答拜

降洗升賓之西階上北面

注將進奠觶

賓拜

注拜受觶

舉觶者進坐奠觶于薦西

注不授賤不敢也

疏釋曰以其是主人之吏既賤故不敢親授奠之也

賓辭坐取以興

注若親受然

疏釋曰云若親受然者賓辭卽坐取以興故云若親受然也

舉觶者西階上拜送賓反奠于其所舉觶者降

疏

釋曰云反奠于其所者還于薦西以其射後賓

北面舉之爲旅酬故不奠于薦東也

大夫若有遵者則入門左

注

謂此鄉之人爲大夫者也謂之遵者方以禮樂化民欲其遵法之也

其士也於旅乃入鄉大夫士非鄉人禮亦然主于鄉人耳今文遵爲僕

主人降

注

迎大夫于門內也不出門別於賓

賓及衆賓皆降復初位

注

不敢居堂俟大夫入也初位門內東面

主人揖讓以大夫升拜至大夫答拜主人以爵降大夫降主人辭降大夫辭洗如賓禮席于尊東

注尊東明與賓夾尊也不言東上統于尊也

升不拜洗主人實爵席前獻于大夫大夫西階上拜進受爵反位主人大夫之右拜送大夫辭加席

主人對不去加席

注 辭之者謙不以己尊加賢者也不去者大夫再重席正也賓一重席

乃薦脯醢大夫升席設折俎祭如賓禮不嚼肺不啐酒不告旨西階上卒爵拜主人答拜

注 凡所

不者殺于賓也大夫升席由東方

大夫降洗

注 將酢主人也大夫若衆則辯獻長乃酢

疏 釋曰自此至皆升就席論大夫酢主人訖

賓主皆升就席之事

主人復阼階降辭如初卒洗主人盥

注 盥者雖將酌自飲尊大夫不敢襲

揖讓升大夫授主人爵于兩楹間復位主人實爵以酢于西階上坐奠爵拜大夫答拜坐祭卒爵拜

大夫答拜主人坐奠爵于兩楹南再拜崇酒大夫答拜主人復阼階揖降

注 將升賓

大夫降立于賓南

注 雖尊不奪人之正禮

疏 釋曰大夫尊在堂則席之于尊東特尊之今降而在

賓下者欲使賓主相對行禮若在其北則妨賓主揖讓之正禮故云不奪人之正禮

主人揖讓以賓升大夫及衆賓皆升就席席工于西階上少東樂正先升北面立于其西

注 言少

東者明樂正西側階不欲大東辟射位疏釋曰自此至告於賓論作樂之事

工四人二瑟瑟先相者皆左何瑟面鼓執越內弦右手相入升自西階北面東上工坐相者坐授瑟

乃降注瑟先賤者先就事也相扶工也面前也鼓在前變于君也執越內弦右手相由便也越瑟

下此所以發越其聲也前越言執者內有弦結手入之淺也相者降立西方

笙入立于縣中西面注堂下樂相從也縣中磬東立西面

乃合樂周南關雎葛覃卷耳召南鵲巢采芣苢注不歌不笙不問志在射略于樂也不略合樂

者周南召南之風鄉樂也不可略其正也

工不興告于樂正曰正歌備注不興者瞽矇禮略也

樂正告于賓乃降注樂正降者堂上正樂畢也降立西階東北面

主人取爵于上篚獻工大師則爲之洗注尊之也君賜大夫樂又從之以其人謂之大師也疏釋

曰自此至反升就席論主人獻工笙之事

賓降主人辭降注大夫不降尊也

工不辭洗卒洗升實爵工不興左瑟一人拜受爵

注左瑟辟主人授爵也一人無大師則工之長

者

主人阼階上拜送爵薦脯醢使人相祭

注人相者

工飲不拜既爵授主人爵衆工不拜受爵祭飲辯有脯醢不祭

注祭飲不興受爵坐祭坐飲

不洗遂獻筓于西階上

注不洗者賤也衆工而不洗矣而衆筓不洗者筓賤于衆工正君賜之猶

不洗也

筓一人拜于下盡階不升堂受爵主人拜送爵階前坐祭立飲不拜既爵升授主人爵衆筓不拜受

爵坐祭立飲辯有脯醢不祭主人以爵降奠于饌

疏釋曰此經總獻筓人雖賤中亦有尊卑故一

人升階受爵餘者不升不拜既爵則同也

反升就席

注亦揖讓以賓升衆賓皆升

主人降席自南方

注禮殺由便疏釋曰自此盡未旅論立司正之事也

側降

注賓不從降疏釋曰側降猶特降故云賓不從降也

作相爲司正司正禮辭許諾主人再拜司正答拜

注

爵備樂畢將留賓以事爲有憊倦失禮立司

正以監之察儀法也詩云既立之監或佐之史

主人升就席 司正洗觶升自西階由楹內適阼階上北面受命于主人

注

洗觶者當酌以表其

位顯其事也楹內楹北

西階上北面請安于賓

注

傳主人之命

賓禮辭許司正告于主人遂立于楹間以相拜

注

相謂贊主人及賓相拜之辭

主人阼階上再拜賓西階上答再拜皆揖就席

注

爲已安也今文揖爲升

司正實觶降自西階中庭北面坐奠觶興退少立

注

奠觶表其位也少立自修正慎其位也古文

曰少退立

進坐取觶興反坐不祭遂卒觶興坐奠觶拜執觶興洗北面坐奠于其所

注

今文坐取觶無進又

曰坐奠之拜

興少退北面立于觶南

注

立觶南亦其故擯位

未旅

注旅序也未以次序相酬以將射也旅則禮終也

三耦俟于堂西南面東上

注

司正既立司射選弟子之中德行道藝之高者以爲三耦使俟事于

此

司射適堂西袒決遂取弓于階西兼挾乘矢升自西階階上北面告于賓曰弓矢既具有司請射

注

司射主人之吏也于堂西袒決遂者主人無次隱蔽而已袒左免衣也決猶闔也以象骨爲之

著右大臂指以鉤弦闔體也遂射韞也以韋爲之所以遂弦者也其非射時則謂之拾拾斂也所以蔽膚斂衣也方持弦矢曰挾乘矢四矢也大射曰挾乘矢于弓外見鏃于弣右巨指鉤弦古文挾作接

賓對曰某不能爲二三子許諾

注

言某不能謙也二三子謂衆賓已下

司射適阼階上東北面告于主人曰請射于賓賓許司射降自西階階前西面命弟子納射器

注

弟子賓黨之年少者也納內也射器弓矢決拾旌中籌福豐也賓黨東面主人之吏西面

乃納射器皆在堂西賓與大夫之弓倚於西序矢在弓下北括衆弓倚於堂西矢在其上

注上堂

西廉矢亦北括

主人之弓矢在東序東

注亦倚于東序也矢在其下北括

司射不擇弓矢遂以比三耦于堂西三耦之南北面命上射曰某御于子命下射曰子與某子射

注比選次其才相近者也古文曰某從于子

司正爲司馬

注兼官由便也立司正爲涖酒爾今射司正無事

司馬命張侯弟子說東遂繫左下綱

注事至也今文說皆作稅疏釋曰上張侯時不繫左下綱中

掩東之今弟子說其束不致地遂繫左下綱于植事至故也

司馬又命獲者倚旌于侯中

注爲當負侯也獲者亦弟子也謂之獲者以事名之

獲者由西方坐取旌倚于侯中乃退樂正適西方命弟子贊工遷樂于下

注當辟射也贊佐也遷

徙也

弟子相工如初入降自西階阼階下之東南堂前三筭西面北上坐

注筭矢幹也

樂正北面立于其南

注北面鄉堂不與工序也

司射猶挾乘矢以命三耦各與其耦讓取弓矢拾

注猶有故之辭拾更也

三耦皆袒決遂有司左執弣右執弦而授弓

注有司弟子納射器者也凡納射器者皆執以俟事

遂授矢

注受於納矢而授之

三耦皆執弓搯三而挾一个

注未達俟處也搯插也插于帶右

司射先立于所設中之西南東面三耦皆進由司射之西立于其西南東面北上而俟司射東面立

于三耦之北搯三而挾一个

注爲當誘射也固東面矣復言之者明卻時還

揖進當階北面揖及階揖升堂揖豫則鈎楹內堂則由楹外當左物北面揖

注鈎楹繞楹而東也

序無室可以深也周立四代之學於國而又以有虞氏之序爲鄉學鄉飲酒義曰主人迎賓于庠

門外是也庠之制有堂有室也今言豫者謂州學也讀如成周宣榭災之榭周禮作序凡屋無室

曰榭宜從榭州立榭者下鄉也左物下物也今文豫爲序序乃夏后氏之學亦非也

及物揖左足履物不方足還視侯中俯正足

注方猶併也志在於射左足至右足還併足則是立

也南面視侯之中乃俯視併正其足